

1381

相

山

集

四

山

集

詳校官左中允臣塘五珠

主事臣呂雲棟覆勘

膳錄監生臣朱起鳳

膳錄監生臣陳遂

欽定四庫全書

相山集卷十三

宋 王之道 撰

七言絕句

送賈教授偉滿罷東歸

赤城賈之奇頃聞馳聲賢闕遠追其先洛陽年少
予願見之久矣是行分教武陵子偶將命本路遂
獲相從於此首尾三年而兕輩因得朝夕承教可
謂幸矣今報政還朝子亦早晚當罷去語離江濱

令人悵然因成二十八字奉送行色隆興改元冬

十月戊辰

妙年才氣擅超羣試吏來司泮水芹行笑玉堂應召直
忍將風袂與君分

重陽示二三友

龍山何處暮雲黃坐想前賢落帽狂
萸實菊花良不惡
為君沽酒作重陽

秋日憫旱題香山莊舍

千里驕陽稼穡枯人心窮極但天呼須煩巖壑為霖手
下澤蒼生慰海隅

寄梅花與曾子修

待船聊復駐征驂手撚梅花望翠嵐花似若人清絕俗
故從江北寄江南

送曾式古歸建昌

兩年說歸明日歸江頭草軟花芬菲風調江淨船行駛
好看芳草懷春暉

酬孔純老送海錯三首

海錯東來自四明
感君憐我故分珍
拜嘉何必須豪飲
大嚼姑從得句新

螺頭已荷蕪三和
鳳髓何須貴八珍
多謝邦君憐不飲
只將詩句巧爭新

惡語豈堪酬妙句
麤餐曾不饜常珍
得君海錯俱奇絕
從此鄞江發興新

和子厚弟春日見寄三首

睡起晴牕正憶渠老兵聲喏到前除
新詩價重連城壁
便覺貧家富不虛

一鞭春色去迢迢溪上紅粧笑語嬌
酒醉不知行客避
競眠芳草鬪裙腰

十里西疇馬送曛晚風依約度溪雲
懸知今夜桃花雨
一洗焦枯慰使君

謝潘壽卿惠牋并詩

餉厚東陽一萬番從今難放筆頭閒
新詩正與花牋似

文彩縱橫咳唾間

道上雜花盛開

涓涓流水雨晴初
夾道山花簇綵輿
千騎不辭迎候遠
物情春意竟何如

風雨損花

雨多南國惜春歸
多謝詩人賦采菲
墮白殘紅無處著
漫隨風絮作團飛

落梅入硯池

玉佩翻然下帝傍
墨池照影妬新粧
時人莫作飄零看
收拾毫端無盡香

玉樹花

幾年埋沒亂荆榛
軒檻移來特地新
何事臨風忍相對
傷心一曲舊亡陳

芭蕉

秋風鳴玉雨踈踈
嫩綠臨牕半卷舒
似是相知慰牢落
朔來肯寄一緘書

菊

千林搖落見孤芳
色映青松破嫩黃
玉露淒涼三逕晚
金英芬馥幾叢香

山茶

開花不與衆芳期
先得江梅破白時
犀甲鶴頭微帶雪
畫屏曾見兩三枝

荷花

亭亭青蓋倚宮粧
新浴溫泉體自香
暫借青風來一霎

欲披雲錦見蜂房

紅梅

穠華不與衆芳同
偏愛施朱立曉風
莫道春來無酒病
臉霞猶帶夜來紅

題烏江官舍木芙蓉

桃葉蕭疎柳葉黃
清寒應怯夜來霜
芙蓉雅與秋相好
獨對層臺試曉粧

青梅

踈白欺人侵短鬢老紅乘酒駐衰顏
食梅已判非吾事把讀清詩憶故山

和魏定父早春十首

早從子美追懶真近向長康得癡絕
相逢可笑復可憐君看稀踈鬢邊雪

安得都護胡青驄與君並轡搖玲瓏
南溪今日凍初解好看游魚翻鬣紅

依依楊柳繞溪斜黑白溪頭鵲伴鴉
雨過蕪菁自春色

一叢茅屋野人家

晚來天意欲晴寒
幽鳥爭春到舌端
詩骨自憐山樣瘦
酒腸君似海能寬

門前溪水綠縈迴
風穀無邊費剪裁
待與東君寫春色
好教紅紫一時開

春到花梢一點紅
吹噓應謝曉來風
南園繚繞城邊路
無限詩情杖履中

瀟瀟溪流碎玉鳴
野梅隨處伴行人
歸歟路出臨邛市

準擬沉浮麴米春

怪來庭砌墮寒梅
風笛數聲清以哀
兩日枯腸饜蔬筍
不堪茗椀發輕雷

辰瓜醉竹定何如
試問君家種時書
坐久幽牕轉斜日
恰憐梅影上衣裾

南禪相望無多地
深謝高軒日見過
歸去山林遂閒放
却尋農圃問誰何

和秦壽之春晚偶成八絕

相從輒莫太忽忽賭酒分茶自有功誰謂春歸無處覓
柳蹊飛絮亂因風

照眼酴醿正及時鞋紅相映似相知天公應也憐芳意
一霎輕風宿霧披

花外霏微雨弄晴亂紅狼藉過清明傷春正苦無聊甚
接接欣聞噪鵲聲

官閒時醉秀溪春醉裏吟詩字字新欲報自慚無好語
年來胸次亦埃塵